



ՀԱՄԱԳՈՐԾԱԿՑՈՒԹՅԱՆ ՀՈՒՇԱԳԻՐ

«ՀԱՅԱՍՏԱՆԻ ՖԻԶԻԿԱԿԱՆ ԿՈՒՆՏՈՒՐԱՅԻ ԵՎ ՍՊՈՐՏԻ ՊԵՏԱԿԱՆ ԻՆՍՏԻՏՈՒՏ» ՀԻՄՆԱԴՐԱՄԻ ԵՎ «ԵՐԵՎԱՆԻ ՇԱԽՄԱՏԻ ՖԵԴԵՐԱՑԻԱ» ՀԱՍԱՐԱԿԱԿԱՆ ԿԱԶՄԱԿԵՐՊՈՒԹՅԱՆ ՄԻՋԵՎ

Հաշվի առնելով, որ Կողմերն ընդունում են շախմատի նորովի զարգացմանն ուղղված ձգտումը,

Ձգտելով զարգացնել համագործակցությունը շախմատի որակյալ մասնագետների պատրաստման և մարզաձևի մասսայականացման միջոցով,

Կարևորելով «Հայաստանի ֆիզիկական կուլտուրայի և սպորտի պետական ինստիտուտ» հիմնադրամի ուսանողների շախմատի մրցումներում մասնակցության ակտիվության աստիճանի բարձրացումը.

Ընդունելով Կողմերի պատրաստակամությունը համատեղ կրթական, մարզական միջոցառումների իրականացման համատեքստում.

Կողմերը համաձայնեցին հետևյալի շուրջ՝

1. Համագործակցության նպատակը

Սույն հուշագրով Կողմերը նախատեսում են Հայաստանի Հանրապետության օրենսդրության շրջանակներում համագործակցել հուշագրի 2-րդ մասով նախատեսված ուղղություններով՝ իրենց հնարավորությունների, միջոցների և փորձի կիրառմամբ:

2. Համագործակցության ուղղությունները

Սույն հուշագրով «Հայաստանի ֆիզիկական կուլտուրայի և սպորտի պետական ինստիտուտ» հիմնադրամը (այսուհետ՝ Ինստիտուտ) և «Երևանի շախմատի ֆեդերացիա» հասարակական կազմակերպությունը (այսուհետ՝ Ֆեդերացիա) պատրաստակամ են.

2.1 պարբերաբար միմյանց տեղեկացնել և համատեղ քննարկել ընդհանուր հետաքրքրություն ներկայացնող հարցեր, որոնք թույլ կտան զարգացնել

շախմատը և դրա տարածվածությունը ոչ միայն ուսանողության, այլև բնակչության լայն շրջանում,

2.2 փոխադարձ աջակցություն ցուցաբերել մարզական, կրթամարզական միջոցառումների կազմակերպման և իրականացման համատեքստում,

2.3 ուսանողների մասնակցության ակտիվության խթանման նպատակով տեղեկատվական միջոցառումներ կազմակերպել, մասնակցության նպաստավոր պայմաններ ստեղծել,

2.4 Կողմերը երկուստեք պատրաստակամ են համագործակցել նաև.

2.4.1 նորարարական, դրամաշնորհային ծրագրերի համատեղ իրականացման շուրջ

2.4.2 Կողմերի գործունեությանն առնչվող համապատասխան նյութերի հրատարակման գործում,

2.4.3 երկկողմանի հետաքրքրություն ներկայացնող ուսումնակրթական բնույթի ծրագրերի մշակման և իրականացման շուրջ,

2.4.4. համատեղ իրականացվող աշխատանքների արդյունքների, դրանց խոչընդոտող հանգամանքների մասին տեղեկատվություն հայցելու և ստանալու համատեքստում,

2.4.5 Ֆեդերացիայում ուսանողների պրակտիկաների կազմակերպման միջոցով,

2.4.6 Ինստիտուտի կրթական ծրագրերի մշակման աշխատանքներում

2.4.7 սույն հուշագրի գործողության շրջանակներում Կողմերի գործառույթների կատարման համար, ըստ աշխատանքային անհրաժեշտության, Ֆեդերացիայի տարածքների, գույքի օգտագործման շուրջ:

3. Համագործակցության սկզբունքները

Կողմերը սույն հուշագրի սահմաններում իրենց գործառույթներն իրականացնում են օրինականության, փոխօգնության, փոխադարձ հարգանքի և վստահության, համագործակցության սկզբունքներով:

4. Եզրափակիչ դրույթներ

4.1 Սույն հուշագիրը կնքվում է երկու օրինակից հայերեն լեզվով, որոնք ունեն հավասար իրավաբանական ուժ: Յուրաքանչյուր կողմին տրվում է մեկական օրինակ:

4.2 Սույն հուշագրի լրացումներն ու փոփոխությունները համարվում են հուշագրի անբաժանելի մասը:

4.3 Սույն հուշագիրը չի առաջացնում ֆինանսական պարտավորություններ Կողմերի համար: Սույն հուշագիրը մտադրությունների մասին համաձայնություն է, ինչը պարունակում և հաստատում է Կողմերի համագործակցելու ցանկությունը և պատրաստակամությունը: Միաժամանակ Կողմերը ընկալում և հաստատում են, որ սույն հուշագրի դրույթները չունեն Կողմերի համար պարտադիր իրավաբանական ուժ:

4.4 Յուրաքանչյուր կողմ կարող է միակողմանիորեն խզել հուշագիրը՝ այդ մասին մեկ ամիս առաջ տեղյակ պահելով մյուս կողմին:

4.5 Սույն հուշագիրը կնքվել է Երևան քաղաքում, 2021թ. մարտի 25-ին:

4.6 Սույն հուշագիրը ուժի մեջ է մտնում ստորագրման պահից և գործում անժամկետ:

Կողմերի վավերապայմանները և ստորագրությունները

Ինստիտուտ

«Հայաստանի ֆիզիկական կուլտուրայի
և սպորտի պետական ինստիտուտ»
հիմնադրամ

ՀՀ, ք. Երևան, Ալեք Մանուկյան 11

Ռեկտոր՝ Դավիթ Խիթարյան



Ֆեդերացիա

«Երևանի շախմատի ֆեդերացիա» ՀԿ

ՀՀ, ք. Երևան, Սիմոն Վրացյան 80

Նախագահ՝ Մխիթար Հայրապետյան

